

(97)
THOMÆ BENNET, S.T.P.

⌞

BREVE

CONSILIUM

DE STUDIO

Præcipuarum Linguarum Orientalium,

HEBRÆÆ *scilicet*, CHALDÆÆ,
SYRÆ, SAMARITANÆ, et ARABICÆ,
instituendo & perficiendo.

Iterum editum, et Sacrarum Literarum Studioſis
(*maximè verò CLERICIS JUNIORIBUS*) ardentiffimè
commendatum.

LONDINI:

Proſtat venale apud C. DILLY; GUL. CALCOTT, *Oxonii*;
J. DEIGHTON, *Cantabrigiæ*; et P. HALY, *Briſtoliæ*,
Bibliopolas. 1795.

✓ THOMAS BENNETT, 27.9.

BREVÉ

CONSILIUM

OF STATE

Præcipue in Linguæ Græcæ

HEBRÆÆ, CHALDÆÆ,

SYRÆ, SAMARITANÆ & ARABICÆ.



Library of the University of Cambridge

(Acquired from the University of Cambridge)

Cambridge

1840

Printed by J. D. B. at the University Press, Cambridge.

J. D. B. at the University Press, Cambridge.

Cambridge

BREVE
CONSILIUM, &c.

*De Studio Linguae Hebraeae, qualis in Scrip-
turis Veteris Testamenti legitur.*

LINGUA *Hebraea* est vel *Pura* vel
Impura.

Pura in solis Veteris Testamenti Libris
legitur.

Petantur prima hujus Linguae Elementa ex
præcedente Grammaticâ *.

Deinde

* Quorum manibus non sit iste libellus, *hodie rarus*,
(scilicet, *THOMÆ BENNET, S.T.P. Grammatica He-
braea, cum uberrima Praxi in usum Tironum, &c. Londini,*
1728,) facilè comparanda sint multa alia COMPENDIA
jam inde vulgata; ex alterutro hujus Linguae Elementa,
tàm pari commodò quàm brevi tempore, edisci possint.

Deinde in evolvendo S. Codicis Veteris Testamenti sedulò laborandum est. Omnino autem incipiendum est a Libris *Historicis*, utpote quorum stylus plerumque simplicior est, ac proinde multò facilior. Hos igitur omnes diligenter legere oportet.

Lexico utere *Buxtorfiano*, in 8vo.

In vocibus difficilioribus multùm juvabit *Leusdeni Clavis Hebraica*.

Siquod vocabulum *Hebræum* in Lexico invenire nequeas, *Latinam* totius commatis versionem lege, ut quæ verba *Latina Hebræis* respondent, dignoscere possis. Quo factò, ad vocabula *Hebræa* diriget Lexici *Index Latinus*.

Buxtorfii Thesaurum Grammaticum subinde confule.

Postea autem, perceptis Rudimentis et etiam memoriæ mandatis, incredibili erit usui Opus eximium *Johannis Buxtorfii*, nempe, *Thesaurus suus Grammaticus*; cujus libri cauta quidem et sedula perlectio, iterum atque iterum repetita, eos gradatim ad perfectam Linguae Sanctæ cognitionem feliciter ac prosperè perducet.

Huic

Huic *Thesauro* annectitur Index vocum *Hebræarum* alphabeticus. Siquod igitur vocabulum in hōc Indice reperiatur, semper consulendus est ipse liber.

Nomina Propria quæ plerumque omituntur in *Buxtorfii Lexico Hebraico*, explicat *Leusdenus* in *Onomastico*.

Præcipua difficultas est in Verbis Anomalis, quorum magnam copiam habet Lingua *Hebræa*. Imprimis igitur dispiciendum est (inventâ Radice per Indicem Lexici *Latinum*) utrum sit Verbum Regulare vel Anomalum. Si sit *Regulare*, regula 12 * indicabit, cujus sit personæ, conjugationis, &c. Si sit *Anomalum*, dispiciendum est cujus sit generis, utrum quadratum, defectivum, vel quiescens, vel forsan dupliciter imperfectum. Deinde consulendæ sunt regulæ, quæ de ejusmodi Verbis traduntur capitibus nono et decimo præcedentis *Grammaticæ* *. Consulendus etiam est *Buxtorfii Thesaurus*, in quo multa sæpe annotantur de Verbis Anomalis.

* Vide notam suprâ.

Si qua difficultas in primâ Librorum Historicorum lectione expediri nequeat, in chartula notetur, ut in secundâ lectione penitius excutiatur.

Post iteratam Librorum Historicorum lectionem, ad cæteros omnes legendos te accinge; et prout res postulat, Lexicographos alios consule, præsertim *Pagninum, Castellum, et Gussætium.*

Commentatores etiam quotquot ad manum sunt, adhibe; maximè verò *Drusium, De Dieu, Mercerum, Muysum, &c.* quos tamen omnes in compendium redegit *Polus in Synopsi Criticorum.*

Quæstiones Philologicas, quæ de rebus *Hebraicis* moveri solent, summo cum judicio tractavit *Waltonus* in *Prolegomenis Bibliorum Polyglottorum*; qui etiam Geographiam Sacram, urbem *Hierosolymorum*, Templi fabricam, et id genus alia descripsit.

Tandem *Wolfii Bibliothecam Hebræam* adire licet; quæ universos *Literaturæ Hebraicæ* thesauros pandit, libros cujuscunque generis
Præ-

præstantissimos indicat, aliaque omnia tradit, quæ ad perfectissimam totius Hebraismi cognitionem perducere possint.

De Studio Linguae Hebrææ, qualis in Talmude et Scriptis Rabbinicis legitur.

LINGUA *Hebræa* Impura in *Talmude* et *Scriptis Rabbinicis* usurpatur.

Ut genium ac indolem hujus Linguae percipias, lege *Genebrardi Isagogen Rabbinicam*, et *Cellarii Institutionem Rabbinicam*. Utrumque librum exhibet *Relandus* in *Analectis Rabbinicis*.

Buxtorfii Lexicon Chaldaicum, Talmudicum, & Rabbinicum in Folio, prodiit *Basilie* 1639. Hunc librum manibus semper teres.

Vocum Compendia, quæ in hac Lingua sunt frequentissima, explicat *Buxtorfii Tractatus de Abreviaturis*; cujus legendæ sunt

undecim priores paginæ: cæteræ consulendæ,
quando usus postulat. Hujus libri *Supple-*
mentum edidit *Wolfius*, *Bibl. Heb.* vol. 2.
P. 575.

His fretus subsidiis Libros Rabbinicos tuto
aggredieris. Incipiendum est a Commenta-
riis *Kimchii* in aliquot Psalmos *Davidis*, quos
in sermonem *Latinum* vertit *Janvier*. Hunc
librum in *Relandi Analectis* reperies.

Perage ad alios, quorum Textum *Hebræum*
comitatur Interpretatio *Latina*; cujusmodi
sunt,

Buxtorfii Cosri, *Basil.* 1660.

Ejusdem *Institutio Epistolaris*.

Abichti Selecta Rabbinico-Philologica.

Hoseas cum Comm. *Jarchi*, *Abenezræ*, et
D. Kimchi.

Varia *Maimonidis* Opera per *Vossium*, *Pri-*
deaux, *Claverius*, &c. de quibus vide *Wolfii*
Bib. Heb. vol. 1. p. 834, &c.

Hos excipiant, quorum quidem extant
Interpretationes *Latinae*, sed Textus *Hebræus*
seorsim imprimitur; cujusmodi sunt,

Mai-

Maimonidis Moreh Nebhochim per *Buxtorfium*.

Ejusdem varia Opera per *Du Veil*, &c. de quibus vide *Wolfii* locum citatum.

In his paulisper exercitatus, progredieris ad ipsum *Talmud Babylonicum*, vel ad alios Scriptores, quorum infinitam pene aciem instruxit *Wolfius*.

Talmudis Babylonici, five *Mishnæ*, Textum *Hebræum* edidit *Surenhusius*, cum Interpretatione *Latinâ*, necnon integris *Maimonidis* et *Bartenoræ* Commentariis, et Variorum notis, in 6 vol. in folio. Huic tamen operi præmittenda sunt *Buxtorfii* *Recensio Operis Talmudici*, et *Const. Lempereur* *Clavis Talmudica*.

Præcipuos aliquot *Scripturæ* Interpretes collegit, et cum Bibliis *Hebraicis* edidit *Buxtorfius* in 2 vol. in folio.

Cætera omnia quære in instructissimâ *Wolfii* *Bibliotheca*.

De Studio Linguae Chaldaë.

LEGE *Buxtorfii Grammaticam Chaldaicam.*

Lexicis utere *Buxtorfii et Castellii.*

Lege *Jer.* 10. 11. *Dan.* 2. 4, &c. ad finem
Cap. 7. *Esr.* 4. 8. ad *C.* 6. v. 19. et *C.* 7.
12. ad 27.

Perge ad *Targum Onkelosi*, deinde cæteras
Paraphrases *Chaldaicas*, quæ in *Bibliis Poly-*
glottis Waltonianis reperiuntur omnes, præter
unam illam in *Paralipomena*, de quâ vide
Wolfii Bibl. Heb. vol. 2. p. 1178, &c.

Confer *S. Clerici* Varias Lectiones et Ob-
servationes in Paraphrases *Chaldaicas*, quas in
sexto *Bibliorum Walton.* Tomo reperies.

De *Lingua Chaldaicâ* et *Targumim* vide
quæ scripsit *Waltonus* in *Proleg.* 12.

De Studio Linguae Syrae.

LEGE *Leusdeni Scholam Syriacam*, vel *Beveregii Grammaticam Syriacam*.

Lexico utere *Castelli*.

Versio Bibliorum *Syriaca* in *Bibliis Walton*.
exhibetur.

Confer *Thorndicii Variantes Lectiones Syriacas* in sexto *Bibl. Walton*. Tomo.

De Lingua et Versionibus Scripturae *Syris*
lege *Waltoni Proleg.* 13.

De Studio Linguae Samaritanæ.

LITERARUM *Samaritanarum* formas docet *Castelli Harmonia*, primo *Lexici Heptaglotti* Tomo præfixa.

Pentateuchus Samaritanus est verè *Hebræus*. Versio tam prope accedit ad Linguam *Chaldeam*, ut peculiari Grammaticâ vel Lexico non indigeat. Vide tamen, si ita placeat, *Cellarii Horas Samaritanas*, vel *Othonis Synopsis*, et quæ de Vocabulis *Samaritanis* *Heptaglotto* suo immiscuit *Castellus*.

Tam *Pentateuchum* quàm *Versionem* exhibent *Biblia Walton*.

Confer *Castelli Animadversiones*, *Bibl. Walton*. Tomo ultimo.

Lege *Waltoni* Proleg. 11.

De Studio Linguae Arabicæ.

LINGUÆ Arabicæ latissimus est campus.

Lege Waltoni Proleg. 14.

Erpenius Grammaticæ suæ Arabicæ præfixit Consilium de Studio Linguae Arabicæ instituendo. Hujus Consilio utere usque ad hæc verba, "*solida mendaciorum ac nugarum ejus confutatione atque explosione.*" Etenim post Erpenii mortem, qui *Alcoranum* nunquam edidit, in Libris *Arabicis* excudendis multa præstiterunt viri quidam doctissimi.

Scripturarum Versionem *Arabicam* habemus in *Bibliis Waltonianis*. In his igitur legendis qui sedulam navat operam, alios omnes Scriptores, five impressos, five MSS, (quorum in Bibliothecis nonnullis supellex est pene infinita) facillimè intelliget.

Lexico utere tam *Golii* quàm *Castelli*.

Totum *Alcoranum* sine Interpretatione Latinâ edidit *Hinkelmannus*; cum Interpretatione Latinâ ac Refutatione *Maraccius*.

Poco-

Pocockius P. Specimen Historiæ Arabum, Carmen Tograi, Eutychii Annales, et Abulpharagii Historiam Dynastiarum edidit. Idem Maimonidis Portam Mosis edidit Arabicè, sed typis Hebræis.

Pocockius F. Abi Gjaaphar Philosophum Autodidactum evulgavit.

Evangelium infantiae Sykio, Josephi Paraphrasin in Canones Nicenos Beveregio, Abulfedæ Vitam Mahumedis Gagniero, Elmacini Historiam Saracenicam Erpenio, Timuri Historiam Golio, alia aliis debemus.

De Prosodiâ Arabicâ Tractatum edidit S. Clericus.



Lately published, (Price 2s. 6d.)

BY THE

Rev. THOMAS ABRAHAM SALMON, M.A.

OF WADHAM COLLEGE, OXFORD,

AND RECTOR OF RODNEY-STOKE, SOMERSET,

HEBRAICÆ
GRAMMATICES
RUDIMENTA,

IN USUM SCHOLÆ

WESTMONASTERIENSIS;

DILIGENTER RECOGNITA, ET NONNULLIS NECESSARIIS
REGULIS, ALIISQUE ADDITAMENTIS, AUCTA:

AD PROMOVENDUM LINGUÆ SANCTÆ PRIVATUM STUDIUM
PRÆCIPUE ACCOMMODATA.

Dilly, *London*; Fletcher and Hanwell, Cooke, and Calcott,
Oxford; Messrs Merrill, *Cambridge*; and Haly, *Bristol*.

Latest published, (Price 2s. 6d.)

BY THE

Rev. THOMAS ABRAHAM SALMON, M.A.

OF WARHAM COLLEGE, OXFORD.

AND Rector of ROONEY-STOCK, SOMERSET.

HERBARIÆ

GRAMMATICÆ

RUDIMENTA

IN USU SCHOLÆ

WESTMONASTERIENSIS;

DILIGENTER RECOGNITA, ET NONNULLIS NECESSARIIS

REGULIS, ALIISQUE ADIUTAMENTIS, AUCTA.

AD PROMPTIUS LINQUE SANCÆ PRIMUM STUDIUM

PLACITE ACCOMMODATA.

Dilly, London; Fletcher and Fawcett, Cooke, and Calcutta.
Oxford; Mellis Merrill, Cambridge; and Hall, Bristol.

